



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

LXXXIX. Kurfürst Johann belehnt die Mörner mit Clossow, Zellin und mehreren Gütern, am 7. Mai 1499.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

LXXXVIII. Kurfürst Johann vereignet der Stadt Bärwalde die halbe Dorfstätte Stölpichen, am 18. Dezember 1495.

Wir Johannis, von gots gnaden etc., Bekennen etc., das wir erkant getrewe willig dinst, so vnser lieben getrewen Burgermeister, Rathman vnd gancze gemein vnser Stat bernwald vns vnd vnzren vorfharen oftmals zu danck gethan, teglich thun vnd forder mehr wol thun sollen vnd wollen; darumb vnd von sunder gunst vnd genad, auch Irer fleisigen beten wegen, die halben dorfstet Stolpichen mit allen Iren zugehorungen, nutzungen vnd gerechtigkeiten, wie die In Iren refiren vnd grennczen gelegen, so sie bizheren von vns zu leben gehabt, zu der anderen helffte, die Inen vormals von dewtschen orden vereigent, zu rechtem ewigen eigenthum vereygent haben vnd vereygen Inen solche halbe dorfstet Stolpichen mit allen Iren zugehorungen, nutzungen vnd gerechtigkeiten, wie die In Iren refiren vnd grennczen gelegen, zu rechten ewigen eigenthum, wie eigenthumbs recht vnd gewonheit ist vnd Inmalzen Inen ander Ir guter von vns vnd vnzren vorfharen voreigent sind, In crafft vnd macht diis briues etc. Actum am freitag nach lucie, Im XCVten.

Nach dem Churmärkischen Lehnscopialbuche XXIX, 8.

LXXXIX. Kurfürst Joachim belehnt die Mörner mit Cloffow, Zellin und mehreren Gütern, am 7. Mai 1499.

Vonn gotts gnaden wir Joachim, kurfürst etc., Bekennen etc. — das wir vnsern lieben getrewen hannsen, bernhartten vnd ludwigen, die Morner genant, vettern, zw Cloffaw vnd zellin gefessen, vnd In menlichen leibs lehns erben dise hernachgeschriben guter, Jerliche zins vnd Rente zw rechtem manlehne vnd gesampter handt gnedighen geliben haben, nemlichen die dorffer Cloffo vnd Cellin mit allen Iren gerechtigkeiten, zinsen vnd renthen, Item die wusten feltmarcke More, vischereyen, grefingen vnd aller gerechtigkeit vnd auff der veltmarck zu Schultendorff vierzeihen hufen vnd ein huben zw Bellin, do die werbelow wonen etc. — Geben zw konigberg, am donerstag nach dem Sontag Oculi In der vasten, Im XCIX. Jare.

Nach dem Churmärkischen Lehnscopialbuche XXX, 42.

XC. Kurfürstliche Belehnung des Gurb Sidow mit einem Landgute zu Voigtzdorf und mit dem Stadtgerichte zu Bärwalde, am 9. Mai 1499.

Von gotts gnaden etc. Bekennen vnd thun kunt offintlichen mit disem vnnserm briue vor vns, vnser erben vnd nachkomen vnd sunst allermeniglichen, das wir vnsern lieben getrewen Cune